

## Evening Dogri (NSD) Bulletin

17-03-2025

आकाशवाणी

### खबरां श्रुति खजूरिया कोला

- भारत ते न्यूजीलैंड नै 5 समझौतें पर दस्तख्त कीते न। प्रधानमंत्री नरेन्द्र मोदी होरें आखेआ ऐ जे दौनें पक्खें, रक्षा ते सुरक्षा सरबन्धी सांझ-भ्याली गी तगड़ा ते संस्थागत बनाने दा फैसला कीता ऐ।
- रक्षा मंत्री राजनाथ सिंह होरें अज्ज नमी दिल्ली च अमरीका दी राष्ट्रीय सुरक्षा निदेशक तुलसी गबार्ड हुन्दे कन्ने बैठक कीता।
- लोकसभा च रेल मंत्रालय दे तैहत 2025-26 आस्तै अनुदान मंगें पर चर्चा शुरू होई।
- रेल मंत्री अश्विनी वैष्णव होरें आखेआ ऐ जे रेलवे नै पिछले 10 बरें च 5 लक्ख नौकरियां प्रदान कीतियां न।
- जम्मू कश्मीर दे कुपवाड़ा च होए दे टाक्करे च सुरक्षाबलें इक आतंकवादी गी मारी-मुकाया ऐ। कुलगाम जिले दे कीमोहू इलाके च सुरक्षाबलें इक आईईडी दा पता लाइयै उसी तबाहू करी दित्ता ऐ।
- ट्रम्प ते पुतिन कल युक्रेन युद्ध गी खत्म करने बारै चर्चा करइन्।

<><><><><><>

### PM-NZL Talks

भारत ते न्यूजीलैंड नै रक्षा, शिक्षा, खेडू, बगवानी ते जंगलात खेत्तरे च 5 समझौतें पर दस्तख्त कीते न। नमी दिल्ली च अज्ज दौनें देसें मुक्त बपार समझौते पर गल्लबात शुरू करने ते पेशेवरें ते हुनर कौशल मजदूरें दी आओजाई सुविधाजनक बनाने दी बवस्था पर गल्लबात कीती। प्रधानमंत्री नरेन्द्र

मोदी ते न्यूजीलैंड दे प्रधानमंत्री क्रिस्टॉपर लक्सन हुंदे मझाटै चर्चा च भारत न्यूजीलैंड सरबंधें दे बक्ख-बक्ख पैहलुएं पर गल्लबात होई प्रेस लेई जारी इक बयान च प्रधानमंत्री मोदी होरें आखेआ जे दौनें पक्खें रक्षा ते सुरक्षा सांझेदारी गी मजबूत करने दा फैसला कीता ऐ। उनें आखेआ जे सांझे अभ्यास, सिखलाई, इक-दुए दिएं बंदरगाहें दे दौरे दे कन्नोकन्नी रक्षा खेत्तर च सहयोग गी बढ़ावा देने लेई इक रोडमैप तैयार कीता जाग। इस मौके पर बोलदे होई न्यूजीलैंड दे प्रधानमंत्री लक्सन होरें आखेआ जे दवै देश आपसी हित आहले लाहकार मुक्त व्यापार समझौता करने आस्तै तैयार ना। उने आखेआ जे न्यूजीलैंड भारत च अपनी राजनयिक मौजूदगी बदाग। अज्ज बडलै न्यूजीलैंड दे प्रधानमंत्री होरें राजघाट स्थित महात्मा गांधी हुन्दी समाधि पर श्रद्धांजलि भेंट कीती। विदेश मंत्रालय च सचिव जयदीप मजूमदार होरें आखेआ जे पिछले इक बरे च भारत ते न्यूजीलैंड बश्कार केंई उच्च स्तरीय गल्लबात होई ऐ। उने आखेआ जे श्री लक्सन होरें प्रधानमंत्री दे तौर पर त्री बारी जित हासिल करने पर श्री मोदी होरें टेलीफोन पर बधाई दिती ते मोदी होरें पिछले बरे अक्टूबर च लाओ च पूर्वी एशिया शिखर सम्मेलन च श्री लक्सन हुन्दे कन्नै मलाटी कीती।

<><><><><><>

## Trump-PM Podcast

अमरीका दे राष्ट्रपति डोनल्ड ट्रंप होरें अज्ज अपने सोशल प्लेटफॉर्म पर अमरीकी पाँडकास्टर ते एआई शोधकर्ता लेक्स फ्रिडमैन हुन्दे कन्ने प्रधानमंत्री नरेंद्र मोदी हुन्दे पाँडकास्ट इन्टरव्यू गी सांझा कीता ऐ। इन्टरव्यू दौरान, श्री मोदी होरें राष्ट्रपति ट्रंप हुनदे कन्ने अपने सरबंधें बारे च विस्तार कन्ने गल्ल कीती। ते अमरीका प्रति उनके लचीलेपन ते समर्पण दी सराहना कीती। 3 घंटे तकर चले दे पाँडकास्ट च केंई विषयें गी शामिल कीता गया ऐ। अपने इन्टरव्यू च प्रधानमंत्री होरें आखेआ जे ट्रंप हुंदे कन्नै उन्दे खरे सरबंध न ते खरा सम्पर्क ऐ कीजे दवै अपने-अपने मुल्लें गी पैहले रक्खदे ना।

<><><><><><>

Rajnath-Tulsi

रक्षा मंत्री राजनाथ सिंह होरें अज्ज नमी दिल्ली च अमरीका दी राष्ट्रीय सुरक्षा निदेशक तुलसी गबार्ड हुन्दे कन्ने बैठक कीत। बैठक च दोनो नेताएं इस गल्ला पर जोर पाया जे सामरिक सुरक्षा दोनो देशें बश्कार व्यापक वैश्विक सामरिक सहयोग दा इक महत्वपूर्ण थम्म ऐ। श्री राजनाथ सिंह ते सुश्री गबार्ड होरें भारत ते अमरीका बश्कार सैन्य अभ्यास, सामरिक सहयोग ते सूचना- सांझीकरण करने ते सहयोग दे क्षेत्रें च महत्वपूर्ण प्रगति दी समीक्षा कीती। रक्षा मंत्रालय नै आक्खेआ ऐ जे दोनो नेताएं अत्याधुनिक रक्षा नवाचार ते विशिष्ट प्रौद्योगिकियों च सहयोग दे मौके दे बारे च चर्चा कीती।

<><><><><><>

## PM-MKB

प्रधानमंत्री नरेन्द्र मोदी होर म्हीने च इक बारी प्रसारत होने आले अपने रेडियो कार्यक्रम “मन की बात” इस बारी 30 मार्च गी देश विदेश च रौहने आले श्रोताएं कन्नै बचार सांझे करगंन। हर म्हीने दे खीरले ऐतवार बडलै 11 बजे प्रसारत होने आले इस कार्यक्रम दी एहू 120मीं किशत होग। कार्यक्रम च शामिल करने लेई लोक अपने बचार ते सुझाहू 28 तरीक तगर टोल फ्री नंबर 1800-11-7800 पर भेजी सकदे न। एहूदे इलावा लोक अपने बचार My Gov ते नरेन्द्र मोदी ऐप पर बी भेजी सकदे न। एहू कार्यक्रम आकाशवाणी ते दूरदर्शन दे समूलचे नेटवर्क दे इलावा न्यूज ऑन एयर मोबाइल ऐप पर बी उपलब्ध रौहग। एहूदे कन्नो कन्नी एहूदा सिद्धा प्रसारण ए.आई.आर न्यूज, डीडी न्यूज, प्रधानमंत्री हुंदे दफ्तर ते सूचना ते प्रसारण मंत्रालय दे यूट्यूब चैनलें पर बी कीता जाग। आकाशवाणी जम्मू पर मन की बात दे तुरत मगरा एहूदा डोगरी च अनुवाद प्रसारत कीता जाग। एहूदा डोगरी अनुवाद तुस रातीं 8 बजे इक बारी परतियै सुनी सकदे ओ।

<><><><><><>

## Loksabha-Railway

लोकसभा च रेल मंत्रालय दे तैहत 2025-26 आस्तै अनुदान मंगें पर चर्चा शुरू होई। चर्चा दी शुरुआत करदे होई कांग्रेस नेता वर्षा गायकवाड़ होरें आरोप लाया जे एहू केंद्रीय बजट इक विफल बजट ऐ। उने रेलवे च यात्रियें दी सुविधाएं ते देशै च रेल हादसे ते भगदड़ दी घटनाएं पर केंद्र दी नुक्ताचीनी कीती। उने सरकार पर भारतीय रेलवे दे निजीकरण दा आरोप लाया। चर्चा च हिस्सा लैन्दे होई तृणमूल कांग्रेस दी शताब्दीह राँय होरें ऑनलाइन रेल टिकट बुक करदे बेल्ले यात्रियें दे सामने औने आहली चुनौतियें दा जिक्र कीता। उने देशै च रेल हादसे गी लेईऐ भी सरकार दी नुक्ताचीनी कीती। भाजपा दे जनार्दन सिंह सिग्रीवाल होरें आक्खेआ जे केंद्रीय बजट च रेलवे दे बुनियादी ढांचे गी मजबूत करने ते आधुनिकीकरण दे क्रनो कन्नी यात्रियें दी सुरक्षा आस्तै दो लक्ख 65 हजार करोड़ रुपे दा आवंटन कीता गेआ ऐ। उने आक्खेआ जे सरकार दी देश च एक सौ नमी अमृत भारत रेलगाडियां, 50 नमो भारत रेल ते दो सौ वंदे भारत रेल चलाने दी योजना ऐ। श्री सिग्रीवाल होरें आक्खेआ जे केंद्र सरकार नै बिहार च रेलवे दी सुविधाएं ते बुनियादी ढांचे गी बेहतर बनाने आस्तै केंई गैं पुट्टियां ना। उने दस्सेआ जे राज्य च 12 वंदे भारत रेलगाडियां चलाईयां जा र दियां ना। भाजपा सांसद होरें आक्खेआ जे 2014 सोयां हुनै तगर राज्य च 3 हजार किलोमीटर सोयां मती रेल पटरियें दा विद्युतीकरण कीता जाई चुके दा ऐ।

<><><><><><>

## Rajyasabha-Railway

रेल मंत्री अश्विनी वैष्णव होरें आक्खेआ ऐ जे सरकार नै रेल बुनियादी ढांचे च सुधार ते यात्रियें गी आरामदायक ते सस्ती यात्रा प्रदान करने आस्तै केंई गैं पुट्टियां ना। उने आक्खेआ जे रेलवे नै पिछले 10 बरें च 5 लक्ख नौकरियां प्रदान कीतियां ना। तोआई रेल हादसे गी घट्ट करने पर भी लगातार ध्यान केंद्रित कीता गेया ऐ। श्री वैष्णव रेल मंत्रालय दे कम्मकाज पर राज्यसभा च चर्चा दा परता देआ र दे हे। श्री वैष्णव होरें जोर देईऐ आक्खेआ जे 2020 सोयां यात्री किराए च बाद्दा नेई कीता गेआ ऐ। उने आक्खेआ जे रेलवे दी माली स्थिति ठीक ऐ ते सरकार इसी होर बेहतर बनाने आस्तै कम्म करा र दी ऐ। उने दस्सेआ जे रेल मंत्रालय नमी रेलवे पटरियां बद्धाने ते परानी पटरियें गी बदलने आस्तै

लगातार कम्म करा र'दा ऐ। जिसदे कन्नै रेलें दी सुरक्षा च बडा मता सुधार होआ ऐ। इसदे थ्वा पैहले, चर्चा च हिस्सा लैन्दे होई भाजपा दे संजय सेठ होरें आक्केआ जे 2014 दे बाद सोयां रेलवे च व्यापक बदलाव होए न। ए.आई.ए.डी.एम.के दे नेता होरें रेलगाड़ियें च खाने दी गुणवत्ता ते गंदगी दा मुद्दा पुट्टेआ। टीएमसी (एम) दे जीके वासन होरें आक्केआ जे यात्री सुविधा गी ब्री मती तरजीह दिती जानी चाईदी।

<><><><><><>

### Rajyasabha-Power

विद्युत राज्य मंत्री श्रीपद यसो नाइक होरें आक्केआ ऐ जे सरकार नै बरे 2014 सोयां 234 गीगावाट बिजली उत्पादन क्षमता बदाईऐ बिजली दी कमी दी गंभीर समस्यान दा हल कीता ऐ। राज्यसभा च श्री नाइक होरें आक्केआ जे सरकार नै घट्ट बिजली सोयां पर्याप्ति बिजली आहला देश बनाने च सफलता हासिल कीती ऐ। उने आक्केआ जे अतिरिक्तन बिजली आहले क्षेत्रें सोयां घट्ट बिजली आहले क्षेत्रें च बिजली दे हस्तांतरण दी सुविधा आस्तै इक मजबूत राष्ट्रीय ग्रिड स्थापित कीता गेआ ऐ। श्री नाइक होरें आक्केआ जे सरकार नै बरे 2031-32 तक घट्टेघट्ट 80 हजार मेगावाट कोयला आधारित बाद्दू क्षमता स्थापित करने दा प्रस्ताव दिता ऐ।

<><><><><><>

### Rajyasabha-Opposition

राज्यसभा में आज विपक्षी दलों ने फर्जी मतदाता पहचान पत्र संख्या जारी करने और अन्य मुद्दों पर चर्चा की अनुमति नहीं देने के विरोध में सदन से वाँकआउट किया। उपसभापति हरिवंश ने विभिन्न मुद्दों पर विपक्षी दलों द्वारा दिए गए स्थगन नोटिस को अस्वीकार कर दिया। इसके विरोध में कांग्रेस, डीएमके, तृणमूल कांग्रेस, राष्ट्रीय जनता दल, वामदल, आम आदमी पार्टी और अन्य सांसदों ने फर्जी मतदाता पहचान पत्र संख्या जारी करने पर चर्चा की मांग करते हुए नारे लगाए। उपसभापति ने सदस्यों से अपनी सीटों पर वापस जाने और सदन को चलने देने का आग्रह किया। बाद में विपक्षी

दलों के सदस्य सदन से वाकआउट कर गए। इससे पहले, सभापति जगदीप धनखड़ ने बीमारी के बाद राज्यसभा में अपनी जिम्मेदारियां संभालीं।

<><><><><><>

### Puduchery-Assembly

पुदुचेरी दे मुख्यमंत्री एन. रंगासामी होरें विधानसभा च घोषणा कीती ऐ जे केंद्र शासित प्रदेश च आजीवन वैधता आहले स्थायी जाति प्रमाण पत्र जारी कीते जाडन। इसदा मकसद प्रशासनिक प्रक्रियाएं गी सरल बनाना ते नागरिकें गी बार-बार सरकारी दफतरै दे चक्कर लाने सोयां बचाना ऐ। उने आक्खेआ जे 10मीं, 11मीं ते 12मी जमात दे विद्यार्थियों गी उनदी जाति प्रमाण पत्र सीधे उनदे स्कूलें च थहोडन। इसके अलावा, मुख्यमंत्री होरें चक्रवात फेंगल ते बरखा करी प्रभावित परोआरें आस्तै माली राहत दी घोषणा कीती।

<><><><><><>

### BJP-Karnatka

भारतीय जनता पार्टी नै कर्नाटक च धर्म दे आधार पर आरक्षण लागू करने दे कांग्रेस सरकार दे फैसले दी सखत लफजें च निन्देआ कीती ऐ। कर्नाटक सोयां पार्टी सांसद तेजस्वी सूर्या होरें नमी दिल्ली च मीडिया कन्नै गल्लबात च इस गैं गी असंवैधानिक दस्सेआ। उने आक्खेआ जे एह फैसला भारतीय संविधान दे मुख्ख निर्माता बाबा साहेब डॉक्टर भीमराव अंबेडकर हुन्दी सोच दे खिलाफ ऐ। श्री सूर्या होरें आक्खेआ जे डॉ. अंबेडकर होरें धर्म दे आधार पर आरक्षण दा सखत विरोध कीता हा ते इसी मुख्ख आस्तै बी खतरनाक दस्सेआ हा। उने आरोप लाया जे एह फैसला कांग्रेस पार्टी दी वोट बैंक दी राजनीति सोयां प्रेरित ऐ। श्री सूर्या होरें आक्खेआ जे भाजपा इसी अदालत च चुनौती देग ते इसदा विरोध करौग।

<><><><><><>

## Terrorist-Killed

कश्मीर दे कुपवाड़ा जिले च सुरक्षाबलें ते आतंकवादियें बश्कार टाकरे च इक बेपंछानू आतंकवादी मारेआ गेआ ऐ। टाकरा अज्ज बडुलै शुरू होआ। इलाके च आतंकवादियें दे छप्पने दी पक्की सूह थहोने परेंत सुरक्षाबलें इलाके दी घेराबंदी करियै तपाशी अभियान रम्भेआ हा। सेना दे प्रवक्ता नै दस्सेआ जे छप्पे दे आतंकवादियें सुरक्षाबलें पर गोलीबारी शुरू कीती, जेदा सुरक्षाबलें आसेआ परता दित्ता गेआ। जवाबी कार्रवाई च इक आतंकवादी मारेआ गेआ। टाकरे आहली थाहरा इक ए.के-47 राइफल बरामद कीती गेई ऐ। उआं मरोए दे आतंकवादी दी पंछान ते एहू केहडे आतंकी गुट कन्नै कम्म करा रदा हा, इस बारे जानकारी गी अजें बलगेआ जा'रदा ऐ। तोआई, सेना दे प्रवक्ता नै दस्सेआ जे अभियान अजें जारी ऐ।

<><><><><><>

## IED-Recoverd

सुरक्षाबलें अज्ज कुलगाम जिले दे कैमोह इलाके च इक संदिग्ध आईईडी दा पता लाया ते मगरा इक नियंत्रित धमाके दे राहें इस संदिग्ध आईईडी गी तबाहू बी करी दित्ता। पुलसै दस्सेआ जे ऐ जे उ'नें अनंतनाग-शोपियां सिडकै पर कुलगाम दे कैमोह इलाके च इस आईईडी दा पता लाया हा। इस बारै पता लगदे गै सिडकै पर दौने बक्खी दा गड्डिएं दी आओजाई रोकी दित्ती गेई ते बम्ब नकारा करने आहले दस्ते गी उत्थे सद्दी लैता गेआ। मगरा इक नियंत्रित धमाके दे राहें इस आईईडी गी तबाहू करी दित्ता गेआ ते इस दरान कोई नुक्सान नेई होआ। आईईडी तबाहू करने दे बाद सिडकै पर गड्डिएं दी आओजाई परतियै शुरू करोआई दित्ती गेई।

<><><><><><>

## Katra-FIR



भारत दी बड़्डी भूमिका कन्नै, नौसेना सामग्री प्रबंधन सेवा ते नौसेना आयुध सेवा दे अधिकारी भारतीय नौसेना दा समर्थन करने च महत्वपूर्ण भूमिका निभाडन। राष्ट्रपति होरें अज्ज राष्ट्रपति भवन च भारतीय नौसेना सामग्री प्रबंधन सेवा ते भारतीय नौसेना आयुध सेवा दे सखेत्रु अधिकारियें कन्नै गल्लबात करदे होई एह गल्ल आक्खी। राष्ट्रपति द्रौपदी मुर्मु होरें अधिकारियें गी दुनिया भरै च होआ र दे नवीनतम तकनीकी विकास दे बारे च अपने ज्ञान गी लगातार अपडेट करने दी सलाह दिती। उने अधिकारियें सोयां राष्ट्र ते भारतीय नौसेना दी सेवा आस्तै अपने आपा गी समर्पित करने दा भी आग्रह कीता।

<><><><><><>

## Putin Talks Trump

रूस ने राष्ट्रपति व्लादिमीर पुतिन ते अमरीका दे राष्ट्रपति डॉनल्ड ट्रम्प हुन्दी कल होने आहली गल्लबात दी पुष्टि कीती ऐ। रूस दे राष्ट्रपति दे प्रवक्ता दिमित्री पेसकोव होरें आक्खेआ जे गल्लबात दी तैयारी पूरी होई चुकी दी ऐ। उने इस गल्लबात दा ब्यौरा देने सोयां इन्कार करी दिता। श्री ट्रम्प होरें यूक्रेन च युद्ध समाप्त करने दे अपने जतन तैहत कल संजा गल्लबात दी घोषणा कीती ही।

<><><><><><>